

ପିଲିପିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିପିୟ ମଣ୍ଡଳି ତାଙ୍କେ ପକ୍ୟାତି ପାଉଲଟି ଆକି ଇ ପତି ବିସ୍ତେନି ପାଦେକ୍

ଜିସୁ କ୍ରିଷ୍ଟି ଜଲମ୍ ଆଜି ମାନଗାନାଡ଼ ୬୧ ବାର୍ଷୁ ପାଚେ ପାଉଲ୍ ପିଲିପିୟ ମଣ୍ଡଳିନି ପାଚି କିନାକା ତାଙ୍କେ ଆକି ଲେକିକିତାନ । ଇନେସକି ପାଉଲ୍ ରମ୍ତ ବନ୍ଦି ମାନିହିଙ୍କ୍ ଇ ଆକି ଲେକିକିଜି ମାଚାନ ୧:୧୩ ।

ପିଲିପିୟ ଗାଡ଼୍ ବିତ୍ରେ ଆଁ ରଚ୍ଚି ମଣ୍ଡଳି ତାଙ୍କେ ଇ ଆକି ଲେକା ଆଜି ମାଚାଡ଼ । ଆପେ ପକ୍ୟାତି ପତିତ ପା ଏଚେକ୍ ବିସ୍ତେ ପିଲିପିୟ ପତି ବିସ୍ତେ ପୁଞ୍ଜେକ୍ ଆଡ଼ନାସ୍ । ପିଲିପିୟ ମାକିଦନିୟା ଦେସ୍ତ ରାଜାର୍ ଗାଡ଼୍ ମାଚାଡ଼ । ଇଦାଂ ମାକିଦନିୟାତ ରଚ୍ଚି ପର୍ତ୍ତୁମ୍ ମଣ୍ଡଳି ମାଚାଡ଼ । ପାଉଲ୍ ଆରି ସିଲା ମେହାଜି ଇ ମଣ୍ଡଳି ଆରମ୍ କିଜି ମାଚାଡ଼ ଆରେ ପା ହେବେ ମାନି ସମୁତ ର ନାଶା କାଜିଂ ହେଞ୍ଜାରିଂ ଜଇଲ୍ତ ଇଟ୍ୟାଜି ମାଚାର୍ ପକ୍ୟାତାକା ୧୭ ।

ଆଜି ମାନଗାନାଡ଼ ପାଉଲ୍ ଇ ଆକି ଲେକିକିନି କାଜିଂ କେତେକ୍ ଉଦେସ୍ ମାନଗାନାଡ଼ । ହେଞ୍ଜାନ୍ ବନ୍ଦି ମାନି ବିସ୍ତେ ଷ୍ଟେନ୍‌ଞ୍ଜି ମଣ୍ଡଳିନି ମାନାୟାର୍ ଦାନ ରୁଣ୍ଡାୟ କିଜି ପକ୍ତିଲେ ମଣ୍ଡଳିତଂ ଦନ୍ୟବାଦ୍ ହିନି ଇସାବ୍ରେ ଇଡ଼ଜି ଆକି ଲେକିକିନାନା ୪:୧୦-୧୯ । ହେଞ୍ଜାନ୍ ପା ତା ବନ୍ଦି ଅବସ୍ତାତ ହୁଦାଂ ମଣ୍ଡଳିତ ତିମତି ଆରି ଏପାପ୍ରାତିତିଂ ଗାଡ଼ନାର୍, ପାଚି କିନାକାର୍ ଇନେସକି ହେଞ୍ଜାରିଂ ମାନି କିଜି ଜଞ୍ଜାର୍ ଜାଣାୟ୍ କିତାର୍ ଆରି ତା ସଡ଼ତାଂ ସନ୍ମାନ୍ ହିନାର୍ ୨:୧୯-୩୦ ।

ପତି ବିସ୍ତେନି ରାହାଣ୍

୧. ପିଲିପି ମଣ୍ଡଳିତଂ ପାଉଲ୍ତି ଜାଣାୟ୍‌କିନାନ୍ ୧:୧-୨
୨. ପାଉଲ୍ତି ଅବସ୍ତା ଆରି ତା ଚିନ୍ତା ହୁକେ ୧:୩; ୨:୩୦

- ୩. ପାତ୍ର କିନାକାରିଂ କ୍ରିଷ୍ଟୁନ୍ ଜିରୁନ୍ ଜିପ୍‌କା କାଜିଂ ପାଉଲ୍‌ତିଂ ଦସ୍‌ଆକାୟ୍ ୩:୧; ୪:୯
- ୪. ପାଉଲ୍ ଦାନ୍ କାଜିଂ ପିଲିପିୟ ମଣ୍ଡଲିତିଂ ଜଞ୍ଜାର୍ ଜାଣାୟ୍‌କିନାନ୍ ୪:୧୦-୨୩

ବାନ୍ଦାୟ୍ ଆରି ପାଉଲ୍‌ତି ପାତ୍ରାନା

୧ *ପାଉଲ୍ ଆରି ତିମତି, କ୍ରିଷ୍ଟ ଜିସୁତି ରିୟାର୍ ଆଡ଼ିୟାର୍, ପିଲିପିତ ମାନି କ୍ରିଷ୍ଟ ଜିସୁତି ମାନି ଓଜାର୍ ସାଦୁର୍ ଲାଗାଂ ଆରେ, ମୁଣିକା ଆରି ହେବା କାରୟାର୍ ଲାଗାଂ; ୨ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିଷ୍ଟ ମିଜେଙ୍ଗ୍ ଉପକାର୍ ଆରି ସୁସ୍ତା ମି କାଜିଂ ଆୟେଡ୍ ।

୩ ଆନ୍ ମିଜେଙ୍ଗ୍ ଏତେକ୍ ହର୍ ଏଡୁ କିଦନାଙ୍ଗ୍, ହେଏତେକ୍ ହର୍ ଆନ୍ ଇସ୍‌ବର୍‌ତିଂ ଦନ୍‌ସବାଦ୍ ହିଜି ମାନାଙ୍ଗ୍ । ୪ ଆରେ ସବୁ ନାଞ୍ଜିଙ୍ଗ୍ ମି କାଜିଂ ଖାରିକିଜି ପାତ୍ରାନା କିନି ସମୁତ, ୫ ଇନେକିଦେଂକି ମି ପାତ୍ର ଆରମ୍ ଦିନ୍‌ତାଂ ନଙ୍ ପାତେକ୍ ନେକ୍ରିକାବୁର୍ କାମାୟ୍‌ତ ଏପେଙ୍ଗ୍ ନାଙ୍ଗ୍ ଉପକାର୍ କିଦଦେଂ ଖାତାଦେଣ୍ଡା । ୬ ଲାଗିଂ ଆନ୍ ଇ ବିସ୍ତେତିଂ ହାଡ୍‌ପା ଜେ, ଇମ୍‌ଣି ମାପୁ ମି ତାକେ ଇ ହାଡ୍‌ଦି କାମାୟ୍ ଆରମ୍ କିତାନ୍ନା, କ୍ରିଷ୍ଟ ଜିସୁତି ଆରେଖାନି ଦିନ୍ତ ଇଦାଂ ଓଜିନ୍ ପାତେକ୍ ହେଖାନ୍ ହେଦାଂ ପାତ୍ର କିନାନ୍ । ୭ ଏପେଙ୍ଗ୍ ସବୁଖେଡାଙ୍ଗ୍ ନା ଖାସ୍ତିତ ମାନାଦେର୍; ଲାଗିଂ ମି ବିସ୍ତେ ବାବି କିନାକା ନା ପାକ୍ୟାତ ହାର୍ ଆକାୟ୍ । ଆନ୍ ମାନ୍‌ଇଚା ମାନି ଖେଡାଲିଂ ଆରି ନଂ ଇ ବନ୍ଦି ଅବସ୍ତାତ ନେକ୍ରିକାବୁର୍‌ନି ନ୍ୟାୟ୍ ହାଙ୍ଗ୍‌ତାକା ଆରି ରାକ୍ୟା କାଜିଂ କାମାୟ୍ କିଦେଙ୍ଗ୍ ଇସ୍‌ବର୍ ନାଂ ଇମ୍‌ଣି ପାବ୍ ହିଡ୍‌ତାନ୍ନା, ଏପେଙ୍ଗ୍ ଓଜାଦେର୍ ଇବେ ମେହା ଆତାଦେଣ୍ଡା । ୮ ଇନେକିଦେଂକି କ୍ରିଷ୍ଟ ଜିସୁତି ଜିଉନି ବାତ୍ର ଦୟାତ ଆନ୍ ମି ଓଜାର୍‌ତି କାଜିଂ ଇନେସ୍ ବାନି ଇଚା, ଇ ବିସ୍ତେ ଇସ୍‌ବର୍ ନା ସାକି ।

୯ ଆନ୍ ପାତ୍ରାନା କିନାଙ୍ଗା, ଇନେସ୍ ହାଡ୍‌ପା ଗିଆନ୍ ଆରି ନ୍ୟାୟ୍ ବିଚାର୍ ଲାହାଂ ମିଦାଂ ଜିଉନନାକା, ଆଦିକ୍‌ତାଂ ଆଦିକ୍ ବାତା ଆନାଡ୍ । ୧୦ ଆରେ ଏପେଙ୍ଗ୍ ଇନେସ୍ ବେସି ବିସ୍ତେ ସବୁ ବାଟିକିଦେଂ

* ୧:୧ ୧:୧ ପକ୍ୟାତାକା ୧୭:୧୨.

ଆଦାନାଦେର । ତା ଆଡ଼ିସ୍ ଏପେଙ୍ଗ କ୍ରିଷ୍ଟି ଖାନି ଦିନ୍ତ ହାର୍ଦାକା ଆରି ନିନ୍ଦାଖାଦାଂ ମାନଗାନାଦେର । ୧୧ ଆରି ଇସ୍ବରତି ଜାଜମାଲ୍ ଆରି ଖାରିକିୟ୍ କାଜିଂ ମି ଜିବୁନ୍ ଜିସୁ କ୍ରିଷ୍ଟି ହିଡ଼ତାକା ଖିଜୁ ଦାମ୍ ତ ବାତ୍ ଆନାଦେର ।

ବାଚାଆନାକା ଅରଡ଼ କ୍ରିଷ୍ଟ

୧୨ ଏ ଟଣ୍ଡାର୍ ଆରି ତଣ୍ଡେକ୍ ! ଆନ୍ ମିଂ ଖେର୍ରେଦେଂ ମାନ୍ କିନାଙ୍ଗ୍ ଜେ, ନା କାଜିଂ ଇନା ଇନାକା ଗିଟା ଆତାଡ଼ନ୍ନା, ହେଦାଂ ନେକ୍ରିକାରୁର୍ ବାତାନାକା ଉପକାର୍ କିନାତା । ୧୩ ଲାଗିଂ ନା ଗାଟ୍ଯାଜି ଜେ କ୍ରିଷ୍ଟ କାଜିଂ, ଇଦାଂ ବାଙ୍ଗ୍ଲାତ ସବୁ ମେଲ୍ୟା ଦାଡ଼ ଆରି ବିନ୍ବିନ୍ ଖିଜାର୍ ଲାଗାଂ ହତାଡ଼; ୧୪ ମାତର୍ ଆନ୍ ବନ୍ଦି ଆଜି ମାଟିଲେ ହେନି ଟଣ୍ଡାର୍ ଆରି ତଣ୍ଡେକ୍ ମାପୁତି କାଜିଂ ଆଦିକ୍ ପାତ୍ ଜଲମ୍ ଆତାଡ଼ନ୍ନା, ଆରେ ଇଦାଂ କାଜିଂ ପାଣ୍ଡା ଆଖାଦାଂ ଇସ୍ବତ୍ ବଚନ୍ ସୁଣାୟ୍ କିନି କାଜିଂ ହେଖାର୍ତି ସାସ୍ ବାତା ଆତାଡ଼ନ୍ନା ।

୧୫ ଆଡ଼ିସ୍ପା ହେଖାର୍ ବିଡ୍ରେତାଂ କେତେକ୍ଜାଣ୍ ଗଣ୍ଡଗଲ୍ଖାରି ଆରି ତାରା ଆଜି କ୍ରିଷ୍ଟଙ୍ ପରଟାର୍ କାମାୟ୍ତ ନଙ୍ଗ୍ ଲାଗାତାର୍ନା । ମାତର୍ ବିନ୍ନିକାର୍ ମାନ୍ଦିୟାନ୍ ଲାହାଂ ହେଦାଂ କିନାରା । ୧୬ ଇଖାର୍ ନା କାଜିଂ ଜିଉନି କାଜିଂ ହେଦାଂ କିତାର୍ । ଇନେକିଦେଂକି ହେଖାର୍ ପୁନାର୍ ଜେ, ଇସ୍ବର୍ ନାଙ୍ଗେଙ୍ଗ୍ ନେକ୍ରିକାରୁର୍ନି ରାକ୍ୟା କାଜିଂ ଦାଈଡ଼ ହିଡ଼ତାନ୍ନା ୧୭ ବିନ୍ନିକାର୍ ପାତ୍ ବାରେ କ୍ରିଷ୍ଟି ବଚନ୍ ପରଟାର୍ କିଖାଦାଂ ଜାର୍ ଇତା ବାରେ ଅଜି ହେଦାଂ କିତାଣ୍ଟା । ଆନ୍ ବନ୍ଦି ଇଞ୍ଜି ମାନିହିଂ ନା ମାନ୍ତ ଆଦିକ୍ ଦୁକ୍ ହିଦେଂ ହେଖାର୍ ହେଦାଂ କିତାଣ୍ଟା ।

୧୮ ହେଦାଂ ଖାୟେଡ଼ କି ଖାମେଡ଼ । ହାଦ୍ ଉଦେସ୍ତ ଆୟେଡ଼ କି ସଡ଼ଆଖି ଉଦେସ୍ତ ଆୟେଡ଼, ଇମ୍ଣାକା ପା ଉପାୟ୍ତ କ୍ରିଷ୍ଟି ବଚନ୍ ପରଟାର୍ ଆଡ଼ିସ୍ ହେବେ ନା ଖାରି । ଆନ୍ ଖାରି କିଜି ମାନଗାନାଂ । ୧୯ ଇନାକିଦେଂକି ଆନ୍ ପୁନାଙ୍ଗ୍ ମି ପାର୍ତାନା ଆରି ଜିସୁ କ୍ରିଷ୍ଟି ଜିବୁନ୍ନି ଉପକାର୍ ହୁକେ ଆନ୍ ମୁକ୍ତା ଆନାଙ୍ଗ୍ । ୨୦ ଜିବୁନ୍ତ କି ହାକିତ, ନା କାମାୟ୍ତ କି ଏଲ୍ଲାଖାଦାଂ ସବୁ ଖେଡ଼ାଲିଂ ଆରି ବେସି କିଜି ଇ କସୁ ଖେଡ଼ାଲିଂ ବାସ୍ କିଜି ବାତ୍ ବାରେ ଇନେସ୍ ଆନ୍ କ୍ରିଷ୍ଟିଂ ନା ଗାଗାଡ଼୍ତ ଜାଜମାଲ୍ କିନାଙ୍ଗ୍ । ୨୧ ହାଡ଼ପାନେ ନା ଜିବୁନ୍ତ କ୍ରିଷ୍ଟିନେ

ଓଜେନିକାନ୍ । ଲାଗିଂ ନା ପାକ୍ୟାତ ହାକି ଆଦିକ ଲାବ୍ ଆନାତ୍ ।
 ୨୨ ମାତର୍ ଗାଗାଡ୍‌ତ ଜଦି ଜିଜି ମାନଞ୍ଜି ଆନ୍ ଆଦିକ୍ ପାଡ୍ ଲାବ୍‌ନିକା
 କାମାୟ୍ କିଦେଙ୍ଗ୍ ଆଡ୍‌ନାଙ୍ଗ୍, ତେବେ ଜିବନ୍ କି ହାକି ଇନେରିଂ ମାନ୍
 କିନାଙ୍ଗ୍, ଆନେଙ୍ଗ୍ ସମାନ୍ କିଦେଙ୍ଗ୍ ଆଡୁଙ୍ଗା । ୨୩ ଆନ୍ ରିକଣ୍ଟାଂ ରିଣ୍ଡି
 ବିସ୍ତେ ହର୍‌ବର୍ ଆନାଙ୍ଗା । ଇ ଜିବୁନ୍ ପିସ୍ତି କ୍ରିସ୍ଟୁ ଲାହାଂ ମାଞ୍ଜେଙ୍ଗ୍ ନାଙ୍ଗ୍
 ବେସି ଇଚା । ଆଡିସ୍‌ପା ଇଦାଂ ହାଦ୍‌କା । ୨୪ ମାତର୍ ମି କାଜିଂ ନା
 ଜିଜି ମାନାକା ବେସି ଲଡା । ୨୫ ଆରେ ଆନ୍ ଆର୍‌ଝା ଲାକେ ଇଦାଂ
 ପୁନାଙ୍ଗ୍ ଜେ, ଆନ୍ ଜିଜି ମାନାଙ୍ଗ୍ । ମି ପାତର୍ ତ ମିଦାଂ ବାଡାନାକା
 ଆରି ଖାରି କାଜିଂ ମି ଲାହାଙ୍ଗ୍ ମାନାଂ, ୨୬ ତା ଆଡିସ୍, ଏପେଙ୍ଗ୍ ଜିବୁନ୍‌ତ
 କ୍ରିସ୍ଟୁ ଜିସ୍ତୁତି ଲାହାଂ ମିହାଆଜି ନା କାଜିଂ ଆଦିକ୍ ଗରର୍ ବାବି କିଦେଙ୍ଗ୍
 ଆଡ୍‌ନାଦେର୍ ।

୨୭ ଆନ୍ ମିଙ୍ଗେଙ୍ଗ୍ ହୁଡ୍‌ନି କାଜିଂ ହାଞ୍ଜେଙ୍ଗ୍ ରାଜି ଆନାଙ୍ଗ୍ କି
 ଆଉଙ୍ଗ୍, ନଙ୍ଗ୍ ମୁଡ୍ ବିସ୍ତେ ଆନାତା, ମି ଖାସ୍ତି ଆଚାର ବେବାର୍
 ଇନେସ୍ କ୍ରିସ୍ଟୁତି ନେକ୍ରିକାରୁର୍‌ନି ହନାଡ୍ ଆନ୍ ଇନେସ୍ ଝେନାଙ୍ଗ୍,
 ଏପେଙ୍ଗ୍ ର ଉଦେସ୍ ଅଜି ତାଟ୍ ଲାକେ ନିଲ୍‌ଟି ଆରି ର କାତା
 ଅଜି ନେକ୍ରିକାରୁର୍ ପାତର୍ କାଜିଂ ରବେ ଜୁଜ୍ କିନାପା । ୨୮ ଆରେ,
 ସାତୁରିଂ ପାଣ୍ଡା ଆମାଟ୍, ସାସ୍‌ତ ତାଟ୍ ମାନାଟ୍ । ତା ଆଡିସ୍, ହେଝାର୍
 ପୁଞ୍ଜେଙ୍ଗ୍ ଆଡ୍‌ନାର୍ ଜେ, ହେଝାର୍‌ତି ଆରାନାକା ସଡ୍ ଆରି ଏପେଙ୍ଗ୍
 ଜିଣାମାଦେର୍, ଇନେକିଦେଂକି ଇସ୍‌ବର୍ ନେ ମିଙ୍ଗେଙ୍ଗ୍ ଜିଣାଆନି ମୁକ୍ତି
 କିଦ୍‌ନାନ୍ । ୨୯ କେବଲ୍ କ୍ରିସ୍ଟୁ ତାକେ ପାତର୍ କିନି କାଜିଂ ଆକାୟ୍, ତା
 କାଜିଂ ଦୁକ୍‌ବଗ୍ କିନି କାଜିଂ ମିଙ୍ଗେଙ୍ଗ୍ କ୍ରିସ୍ଟୁତି ହେବା କିନି କାଜିଂ ପାବ୍
 ହିୟାଆତାଡ୍‌ନା । ୩୦ ☆ନଙ୍ଗ୍ ଇ ଜୁଜ୍‌ତ ଏପେଙ୍ଗ୍ ନା ବାଗ୍ ଇଟ୍ୟାଦେଂ
 ଆଡ୍‌ନାଦେର୍ । ଆଗେ ଏପେଙ୍ଗ୍ ନାଙ୍ଗ୍ ଇମାଣି ଜୁଜ୍ କିନାକା ହୁଡ୍‌ଜି
 ମାଟାଦେର୍, ନଙ୍ଗ୍ ପା ଆନ୍ ହେ ଜୁଜ୍‌ତ ଲାଗାତାନ୍ନା ଇଞ୍ଜି ଏପେଙ୍ଗ୍
 ଝେନ୍‌ଞ୍ଜି ମାନାଦେର୍ ।

୨

କ୍ରିସ୍ଟୁତି ହୁଦାର୍ ଆରି ବେସି ଗାଜାକାନ୍

☆ ୧:୩୦ ୧:୩୦ ପକ୍ୟାତାକା ୧୭:୧୯-୪୦.

୧ କ୍ରିଷ୍ଟି ଲାହୀଂ ମେହାଆନାକା ହୁକେ ଏପେଙ୍ଗ୍ ଜିବୁନତ ବାଡ଼କାସ୍ ଆତାଦେର୍ଣ୍ଣା, ଆରେ ହେଝାନ୍ତି ଜିଉନନାକା ମିଙ୍ଗେଙ୍ଗ୍ ଦୁକ୍‌ସାରାୟ୍ କିଦନାତା । ଏପେଙ୍ଗ୍ ପୁଇପୁୟା ଜିବୁନ୍ ଉପକାରତାଂ ସୁକେ ଜିନାଦେରା ଆରି ହାରି କାଜିଂ ମି ଜିଉନନିତ ବେସି ଦୟାତ ମାନାଡ଼, ୨ ଲାଗିଂ ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗ୍, ର ଚିନ୍ତା ହୁଦାଂ ମାନ୍ କିଜି, ର ଜିଉତ ମେହା ଆଜି ମାନ୍ ଆରି ଜିବୁନତ ଏକ୍ ଆଜି ଏପେଙ୍ଗ୍ ନାଙ୍ଗେଙ୍ଗ୍ ପୁରାବାବେ ଝାରି କିଦାଟ୍ । ୩ ନିଜେତିଂ ବାବିକିନାକାନ୍ କାଜିଂ ନଲେ ପଲ୍ୟା ଗରବ୍ କାଜିଂ ଇନାକା କାମାୟ୍ କିମାଟ୍, ଇତିସ୍ ହୁଦାର୍ ଆଜି ଝିଜାକାର୍ ବିନ୍‌ଲଗାଂ ଜାର୍ ତାଙ୍ଗ୍ ଗାଜା ମାନେ କିୟାଟ୍; ୪ ଝିଜାକାର୍ କେବଲ୍ ଜାର୍ ବିସ୍ତେ ମାନ୍‌ଦିଆନ୍ କିଝାଦାଂ ବିନ୍‌ନିକାନିଂ ବିସ୍ତେ ପା ମାନ୍‌ଦିଆନ୍ ଆତ । ୫ କ୍ରିଷ୍ଟ ଜିସୁତି ଇନେସ୍ ମାନ୍ ମାଗାଡ଼, ମିଦାଙ୍ଗ୍ ହେ ଲାକେ ଚିନ୍ତା ଆଏଡ଼;

୬ ହେଝାନ୍ ଇସ୍‌ବର୍ ଆତିସ୍‌ପା ଇସ୍‌ବର୍ ଲାହାଙ୍ଗ୍ ସମାନ୍ ଆଜି ମାନାକା ଜାର୍ କାଜିଂ ଆସ୍ତି ଇଟ୍ୟାନି ବିସ୍ତେ ବାବି କିଝାତାଂ,

୭ ଇତିସ୍ ନିଜ୍ ଇଚାତାଂ ତା ସବୁ ପିସ୍ତି ଆଡ଼ିଏନ୍ ଲାକେ ଆତାନ୍ । ମାନାୟ୍ ଲାକେ ଆଜି ମାନାୟ୍ ଲାକେ ଝାତାନ୍ ।

୮ ହେଝାନ୍ ଗଞ୍ଜାରି ଆରି ହୁଦାର୍ ଆଜି ହାକି ପାତେକ୍, କୁସ୍ ହାକି ପାତେକ୍ ବଲ୍ ମାନିକିନାକାନ୍ ଆତାନ୍ ।

୯ ଇଦାଂ କାଜିଂ ଇସ୍‌ବର୍ ତାଙ୍ଗେଙ୍ଗ୍ ବେସି ଉର୍ କିତାନ୍ନା, ଆରେ ଝିଜୁ ତର୍ ବାଗା ଝିଜେତିଂ ହାଦ୍ ତର୍ ତାଙ୍ଗ୍ ହିତାନ୍ନା,

୧୦ ଲାଗିଂ ଜିସୁତି ତର୍‌ନି ଇନେସ୍ ସାଗେ, ବିତ୍ରେପୁର୍ ଆରି ପାତାଲ୍‌ତ ମାନି ସବୁ ମାନାୟାର୍ ଜିସୁତି ମୁମ୍‌ଦ ମେଣ୍ଟାଂକୁନ୍‌କିଜି ଜିଝାର୍ କିତାର୍ ।

୧୧ ଆରେ, ଆବା ଇସ୍‌ବର୍‌ତି ଜାଜ୍‌ମାଲ୍ କାଜିଂ ଝିଜାକାର୍‌ତି ଝେୟ୍‌ଲ୍ ଜିସୁ କ୍ରିଷ୍ଟଙ୍ଗ୍ ମାପୁ ଇଞ୍ଜି ମାନି କିନିକ୍ ।

ପୁତ୍ ତ ଅଜଡ଼୍ ଲାକେ ଆତ

୧୭ ଲାଗିଂ, ଏ ନା ଖାରିନିକାଦେର, ଆନ୍ ମି ଲାହାଂ ମାନିଖାଡ଼ାଲିଂ ଏପେଙ୍ଗ୍ ଇନେସ୍ ଦିନକେ ନା ବଲ୍ଲମାନି କିତାଦେଣ୍ଡା, ନଙ୍ଗ୍ ଆନ୍ ମିଙ୍ଗ୍ତାଂ ଦେହା ମାନି ଖାଡ଼ାଲିଂ ଆଦିକ୍ ପାତର୍ ବାତ୍ରେ ନା ଜଜାୟ୍ ଆଦେଂ ମିଙ୍ଗ୍ ଲଡ଼ା । ମି ମୁକ୍ତା ଆନାକା ଇନେସ୍ ପୁରା ଆନାଡ଼, ଇଦାଂ କାଜିଂ ପାଣ୍ଡୁ ଆରି ତ୍ରିଗଜି କାମାୟ୍ କିଜି ମାନାଟ୍ । ୧୮ ଇନାକିଦେଂକି ମିଙ୍ଗେଙ୍ଗ୍ ହେଖାନ୍ତି ଉଦେସ୍ତ ପୁରା କିନି କାଜିଂ ଇଚା ଆରି ରାଜି କିଦେଙ୍ଗ୍ ନିଜେ ଇସ୍ବର ମି ବିତ୍ରେ ନିତ୍ରେ କାମାୟ୍ କିନାନା ।

୧୪ ଆପତି ଆରି ବେଣ୍ଡାବାଟ୍ କିଖାଦାଂ ସବୁ କାମାୟ୍ କିୟାଟ୍, ୧୫ ଇନେସ୍ ଏପେଙ୍ଗ୍ ଦସି ଆଖାଦାଂ ଆରି ହୁଦାର୍ ଆଜି ତ୍ରିକ୍ଷୁତି ହାଜି ବାଣାତି ଲାତ୍ରା ବିତ୍ରେ ଇସ୍ବରତି ପୁଇପୁୟା ହିମଣାଖାକ୍ତା ଆଡ଼; ହେଖାର ବିତ୍ରେ ଏପେଙ୍ଗ୍ ଜିବୁନ୍ନି ବଚନ୍ ଆସ୍ତି ଜଗତ୍ ଅଜଡ଼୍ ଲାକେ ଆନାଦେରା; ୧୬ ବିନ୍ଲଗାତର୍ ଲାଗାୟ୍ ଜିବୁନ୍ ହିଦ୍ନି କାରୁର୍ ପରଚାର୍ କିନିଖେଡ଼ାଲିଂ ଏପ୍ ଆକାସ୍ତିଂ ଅଜଡ଼୍ କିନି ହୁକାଂ ଲାକେ ପଙ୍ଗନାକା ଲଡ଼ା । ଏପେଙ୍ଗ୍ ଜଦି ଏଲେଙ୍ଗ୍ ଆତିସ୍, “କ୍ରିସ୍ତତି ଖେଡ଼ାଲିଂ” ମି ବିସ୍ତେ ଆନ୍ ଗରବ୍ କିଦେଙ୍ଗ୍ ଆଡ଼ନାଂ, ଇନେକିଦେଂକି ଇବେଣ୍ଡାଂ ପାର୍ମାଣ୍ ଆନାତା ଜେ, ନା ଝିଜୁ କସ୍ ଆରି କାମାୟ୍ ପଲ୍ୟା ଆଖାତାଡ଼ନା ।

୧୭ ଇସ୍ବରତି ଉଦେସ୍ତ ମି ପାତର୍ ବାତର୍ ପୁଜାକିନିତ ଆଜି ମାନ୍‌ଗାନାଡ଼ ନା ଜିବୁନ୍ନି ନେତେର୍ ଖାକ୍ତି ହିଦ୍ଦେଂ ଆନାଡ଼ । ଇଦାଂ କାଜିଂ ଆନ୍ ଖାରୟାନାକା ଆରି ନା ଇ ଖାରିତ ମିଂ ମେହାୟ୍ କିଦେଙ୍ଗ୍ ଆନ୍ ଇଚା କିନାଙ୍ଗା । ୧୮ ଏପେଙ୍ଗ୍ ପା ହେ ଲାକେ ଖାରି କିୟାଟ୍ ଆରି ହେ ଖାରିତାଂ ନା ଲାହାଙ୍ଗ୍ ପା ଖାରି କିୟାଟ୍ ।

ତିମତି ଆରି ଏପାପୁଦିତ

୧୯ ମାପୁତି ଇଚା ମାତିସ୍, ମି ଲାଗାୟ୍ ତିମତିଂ ବେଗି ପକ୍ତାନାଙ୍ଗ୍ ଇଞ୍ଜି ମାପୁ ଜିସ୍ତୁତିଂ ଆନ୍ ଆହା କିନାଙ୍ଗ୍ । ତା ଆତିସ୍, ମି କାରୁର୍ ଗାଟାଜି ଆନ୍ ବେସି ଖାରୟା ଆନାଙ୍ଗ୍ । ୨୦ କେବଲ୍ ହେଖାନ୍ତି ମାନ୍‌ବାବ୍‌ନା ନା ଲାକେ ମାନାଡ଼ ହେଖାନ୍ ହାଡ଼ପାତ ମି କାଜିଂ ମାନ୍‌ଦିଆନ୍ କିନାଙ୍ଗ୍ । ୨୧ ବିନ୍ ଝିଜୁ ଜିସ୍ତୁ କ୍ରିସ୍ତତି କାଜିଂ ସେସ୍ତା କିଖାଦାଂ ଜାର୍ତି ସେସ୍ତା କିତାର୍ । ୨୨ ତିମତି ଜେ ପରିକ୍ୟା କିୟାତାକାନ୍

ମାନାୟ, ଇଦାଂ ଏପେକ୍ସ ପୁନାଟ୍; ମାଜି ଆବାତି ହେବା କିତି ଲାକେ ହେଝାନ ତ ନେକ୍ରିକାବୁର୍ କାମାୟତ ନା ଲାହାକ୍ ହେବା କିଜି ମାତାନ୍ । ୨୩ ଲାଗିଂ, ନା କାଜିଂ ଇନାକା ଗିଟାଆଦେଂ ହାନାତା, ହେଦାଂ ପୁଞ୍ଜେକ୍ସ ମତର୍ ହେଝାନିଂ ପଲ୍ଲାନାଂ ଇଞ୍ଜି ଆହା କିନାକ୍ସା; ୨୪ ମାତର୍ ଆନ୍ ମାପୁତି ତାକେ ପାତର୍ କିନାକ୍ସା ଜେ, ଆନ୍ ନିଜେ ବେଗି ପା ମି ଲାଗାଂ ହାନାକ୍ ।

୨୫ ମାତର୍ ନା ଟଣ୍ଡେନ୍, ହାକ୍ଦାକାର୍, ହାକ୍ଦି ମେଲ୍ୟାୟାର୍ ଆରି ନା ଅବାର୍ ବାତର୍ କିନି କାଜିଂ ମି ପକ୍ୟାତାକାନ୍ ଆରି ହେବାକାରିୟା ଏପାପାଦିତ୍ତିଂ ମି ଲାଗାଂ ଆନ୍ ପଲ୍ଲିନି କାଜିଂ ଲଡା ବାବି କିତାକ୍ସ; ୨୬ ଇନାକିଦେଂକି ହେଝାନ ମି ଝିଜାରିଂ ହୁଡ୍ଦିନି କାଜିଂ ବେସି ଇଟା କିନାନା, ଆରେ ହେଝାନ ନାଦାର୍ ମାନାନ୍ ଇଞ୍ଜି ଏପେକ୍ସ ଝେନ୍ଞି ମାତିଲେ ହେଝାନ୍ତି ଦୁକ୍; ୨୭ ହାଡ୍ପାନେ ହେଝାନ ହାତି ଲାକେ ନାଦାର୍ ଆଜି ମାତାନ୍, ମାତର୍ ଇସ୍ପର୍ ତାକ୍ସେକ୍ସ ଦୟା କିତାନ୍, ଆରେ କେବଲ୍ ତାକ୍ସେକ୍ସ ଆକାୟ, ମତର୍ ଇନେସ୍ ନା କାଜିଂ ଦୁକ୍ ଜପି ଦୁକ୍ ଗିଟା ଆଡ୍ଡ, ଇଦାଂ କାଜିଂ ନା ଜପି ପା ଦୟା କିଡ୍ତାନ୍ । ୨୮ ଲାଗିଂ ଏପେକ୍ସ ଇନେସ୍ ହେଝାନିଂ ଆରେ ରଗ ହୁଡ୍ଡି ଝାରି କିୟାଟ୍ ଆରି ନା ଦୁକ୍ ଇନେସ୍ ଉଶା ଆନାଡ୍, ଇଦାଂ କାଜିଂ ଆନ୍ ହେଝାନିଂ ପକ୍ନି କାଜିଂ ଆଦିକ୍ ଜାତୁନ୍ ଆତାକ୍ । ୨୯ ଲାଗିଂ, ମାପୁ କ୍ରିସ୍ତତି ପାତର୍ କିନି ଟଣ୍ଡେନ୍ ବାବ୍ରେ ଏପେକ୍ସ ହେଝାନିଂ ଝାରିତାଂ ଇଟାଟ୍, ଆରେ ଇ ଲାକେ ଗୁଣିନିକାନ୍ ମୁଣିକାଂ ବକ୍ତି କିୟାଟ୍; ୩୦ ଇନାକିଦେଂକି ଏପେକ୍ସ ନାକ୍ସେକ୍ସ ଇମ୍ପାଣି ଉପକାର୍ ହିଦେଂ ଆଡ୍ଡଝାତାଦେର୍, କ୍ରିସ୍ତତି କାମାୟ ପୁରା କାଜିଂ ହେଝାନ ହେଝାନ୍ତି ନା କାଜିଂ କିଦେକ୍ସ ହାଲ୍ଜି ନିଜ୍ ଜିବୁନ୍ତିଂ ରାଉ ଆରି ହାକିନି ମୁମ୍ଦ ଆଜି ମାତାନ୍ ।

୩

ହାଡ୍ପା ଦାମ୍

୧ ହାରିହାରା, ଏ ନା ଟଣ୍ଡାର୍ ଆରି ତଣ୍ଡେକାଦେର୍, ମାପୁତି ଲାହାଂ ମେହାଜିମାତିଲେ ଏପେକ୍ସ ଝାରିୟା ଆଡ୍ । ଆଗେତାଂ ଇନାକା ଲେକିକିତାକ୍ସନା, ହେଦାଂ ବାବ୍ବାର୍ କିଦେକ୍ସ ଆନ୍ ଝାହ୍ନାକା ବାବି କିତାକ୍ସା, ଇନେକିଦେଂକି ମି ହାର୍ମାନାକା କାଜିଂ ଇଦାଂ ଉପକାର୍

କିଦନାତ୍ । ^୭ ଇମ୍ପ୍ରୋବାର୍ ବାନ୍ୟା କାମାୟତ ମୁଞ୍ଚରାଣ୍ଡା, ଇମ୍ପ୍ରୋବାର୍
 ଗାଗାଡ଼୍ଡିଂ ସୁନ୍ନତ୍ ଆତାକାର୍ କାଜିଂ ଜିଦ୍ ଆହ୍ନାର୍, ହେ ନିକୁଡ଼ିଂ
 ଲାଗେତାଂ ଜାଗ୍ରତ୍ । ^୩ ଇନାକିଦେଂକି ଆସେଙ୍ଗ୍ ହାଡ଼ପାନେ ସୁନ୍ନତ୍
 ପାୟାଆତାକାସ୍, ହେଞ୍ଜାର୍ ଆକାୟ୍ । ଆସେଙ୍ଗ୍ ପୁଇପୁୟା ଜିବୁନ୍
 ଉପକାର୍ତାଂ ଇସ୍ପୁରତି ପାର୍ତାନା କିନାସା ଆରି କ୍ରିସ୍ଟୁ ଜିସୁତି ଲାହାଂ
 ମେହାଜି ଝାରିୟାନାସା । ବାତ୍ ରିତିନିତି ଜପି ମା ବାସ୍ ଆକାୟ୍
 । ^୪ ଆଡିସ୍ପା ହେ ସବୁ ଜପି ଆହା ଇଟନାକା ନା ପାକ୍ୟାତ ହାର୍
 ଆତାମା । ଜଦି ଇନେର୍ ବାତ୍ ରିତିନିତିନି ଲଡ଼ା ଜପି ମାନ୍ ଦ୍ୟାନ୍
 ହିତାଙ୍ଗମା, ହେ ଲାକେ କିଦେଙ୍ଗ୍ କାଜିଂ ନା ଜବର୍ ଉପାୟ୍ ମାନାତ୍ ।
 * ଆନ୍ ଆଟ୍ ଦିନ୍ତାଂ ସୁନ୍ନତ୍ ପାୟାଆତାକାଂ, ଇସ୍ପାଏଲ୍ ଲାତ୍ରା ଜଲମ୍,
 ବିନ୍ୟାମିନ୍ କୁଚୁମ୍, ଏବ୍ରିୟ ନେତେରତ ଜଲମ୍ ରଞ୍ଜାନ୍ ଏବ୍ରିୟ, ଜିହୁଦି
 ବିଦି ପାଲି କିନି ଇସାପ୍ରେ ରଞ୍ଜାନ୍ ପାରୁସି ମାଚାଙ୍ଗ୍, ^୬ ଆରି ନା କାଜିଂ
 ଇତା ବିସ୍ତେ ମଣ୍ଡଲିନି ରଞ୍ଜାନ୍ କୁଲ୍ ଆ ମାଚାଙ୍ଗ୍, ଆରେ ବିଦି ହାତି
 ଦାମ୍ ବିସ୍ତେ ଦସି ଆଞ୍ଜାଦାଂ ଚଞ୍ଜି ମାଚାଙ୍ଗ୍ । ^୭ ମାତର୍ ଇମ୍ପ୍ରୋବାର୍ ଝିଜୁ
 ବିସ୍ତେ ଲାବ୍ ଇଞ୍ଜି ଆନ୍ ବାବି କିଜି ମାଚାଙ୍ଗ୍, ହେଦେଲିଂ ନଙ୍ଗ୍ କ୍ରିସ୍ଟୁତି
 କାଜିଂ ଲାସ୍ ଇଞ୍ଜି ବାବି କିନାଙ୍ଗା । ^୮ ଆଁ ହାଡ଼ପା ଆନ୍ ନା ମାପୁ କ୍ରିସ୍ଟୁ
 ଜିସୁତି ଗିଆନ୍ନି ହାର୍ କାଜିଂ ଝିଜୁ ବିସ୍ତେ ନସ୍ ଇଞ୍ଜି ଗାଣା କିନାନ୍;
 ହେଞ୍ଜାନ୍ କାଜିଂ ଆନ୍ ଝିଜୁ ବିସ୍ତେନି ନସ୍ ହୁଞ୍ଜାଙ୍ଗ୍, ଆରେ, ହେ ଝିଜୁ
 ଗାତ୍ରା ଲାକେ ଗାଣା କିନାନ୍, ଇନେସ୍ ଆନ୍ କ୍ରିସ୍ଟୁଙ୍ଗ୍ ଲାବ୍ କିଦେଙ୍ଗ୍
 ଆଡ଼ନାସ୍ ଆରି ହେଞ୍ଜାନ୍ତି ଇଞ୍ଜି ପୁନ୍ୟାନାତ୍, ^୯ ଆରି ମସାତି ବିଦି ପାଲି
 କିନିକାଜିଂ ଜାର୍ ଦାମ୍ ପାୟାଞ୍ଜାଦାଂ ଇତିସ୍ ଇନେସ୍ କି କ୍ରିସ୍ଟୁତାକେ
 ପାତ୍ ହୁଦାଂ ଇସ୍ପୁରତି ପାତ୍ କିନି ମୁଡ଼୍ ଦାମ୍ ବିଦି ପାଲି କିୟାଟ୍ ।
^{୧୦} ନଂ ନାଦାଂ ବେସି ମାନ୍ ଆନ୍ ଇନେସ୍ କ୍ରିସ୍ଟୁଙ୍ଗ୍ ପୁନାଙ୍ଗ୍ ଆରି ହେଞ୍ଜାନ୍ତି
 ଆରେ ନିନି ସାକ୍ତି ବାବି କିନାଙ୍ଗ୍; ହେଞ୍ଜାନ୍ତି ଦୁକ୍ ବଗିନି ମେହାବିଡ଼ା
 ଏତୁ କିଜି ହାକିତ ପା ତା ଲାକେ ଆନାଙ୍ଗ୍ । ^{୧୧} ହାତାକାର୍ ବିତ୍ରେ ଆରେ
 ନିଙ୍ଗ୍ନାକା ପାୟା ଆଦେଂ ବାସ୍ ଲାବ୍ କିନାଙ୍ଗ୍ ।

ଇଟକାଡ଼୍ ବାହାତ ହନ୍ନାସ୍

☆ ୩:୭ ୩:୭ ପକ୍ୟାତାକା ୮:୩; ୨୨:୪; ୨୭:୯-୧୧.

୧୨ ଆନ୍ ଜେ ନଙ୍ଗ୍ ହେ ଓଁଜୁ ପାୟା ଆତାଙ୍ଗନା କି ବାତ୍ ଲାବ୍ କିତାଂନା, ହେଦାଂ ଆକାୟ୍, ମାତର୍ ଆନ୍ କ୍ରିସ୍ଟୁ ଜିସୁତି ହୁକେ କୁକ୍ୟାଜିମାତିଲେ ହନ୍ତେଙ୍ଗ୍ ଲାଗାତାଂନା । ନିଜେ କ୍ରିସ୍ଟୁ ନାଂ ଆସ୍ତି ତାସି ଇବେ ବାତି କିତତାନନା । ୧୩ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇପାତେକ୍ ଏକାଞ୍ଜାତାଂନା । ମାତର୍ ର କାମାୟ୍ତ ଆନ୍ମାନ୍ ଦିଆନ୍ କିତାଙ୍ଗନା; ପାଚେ ପିସ୍ତି ଖାଜିମାନି ବିସ୍ତେକାଂ ବାଣାଜି, ମୁମ୍ଦ ମାନି ବିସ୍ତେକାଂ ଗାଟାଦେଂ ଜିବୁନ୍ଲଗାୟ୍ କିଜି ସେସ୍ତୁ କିନାଙ୍ଗା । ୧୪ ପାଚେନି ବିସ୍ତେ ଓଁଜୁ ମାନ୍ତାଂ ପିସ୍ତି ମୁମ୍ଦ ମାନି ବିସ୍ତେକାଂ କାଜିଂ ଇଡ଼ଜି କ୍ରିସ୍ଟୁ ଜିସୁତି ତାକେ ଇସ୍ତୁତ୍ ସାଗେନି କୁକ୍ୟାତି ପାଡ଼୍ ପାୟାନି କାଜିଂ ଜିବୁନ୍ଲଗାୟ୍ କିଜି ଏକିନି ବାହାତ ହନ୍ନାଙ୍ଗା ।

୧୫ ମା ବିତ୍ତେ ଇମ୍ପଣାକାର୍ ଆମ୍ବିକ୍ ବାବ୍ରେ ହେଞ୍ଜାରିଂ ଏଲେଙ୍ଗ୍, ମାନ୍‌ବାବ୍‌ନା ମାନାକା ମାନାଡ଼ । ଜଦି ମି ବିତ୍ତେତାଂ ଇନେରତି ବିନେ ମାନ୍ ବାବ୍‌ନା ମାତିସ୍, ଇସ୍ତର୍ ମିଙ୍ଗେଙ୍ଗ୍ ସବୁ କାତା ହାର୍ କିଜି ଖେର୍ଚ୍ଚାନାନ୍ । ୧୬ ହେଞ୍ଜାନ୍ ଇନେସ୍ ଆଏନ୍, ନେଞ୍ଜେଙ୍ଗ୍ ପାତେକ୍ ଆସେଙ୍ଗ୍ ଇମ୍ପଣି ନିୟମ୍ ମାନି କିଜି ଖାନାସା, ହେ ଇସାବ୍‌ରେ ନଂ ଆଗେ ହାନି ଲଡ଼ା ।

୧୭ ✠ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ରଚେ ମିହାଜି ନା ପାଚେ ଖାଡ଼ୁ, ଆରେ ମା ଜିବୁନ୍ ତାକେ ଇମ୍ପଣି ହାରଦାକା ହୁଡ଼ନାଦେରା, ଇମ୍ପଣାକାର୍ ହେ ଲାକେ ବେବାର୍ କିତାର୍ ହେଞ୍ଜାରିଂ ହୁଡ଼ାଡ଼ । ୧୮ ଆଗେତାଂ ବେସିହର୍ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜାଙ୍ଗ୍‌ନା, ଆରେ ନଙ୍ଗ୍ ପାତେକ୍ ଆଡ଼ବି ଆଡ଼ବି ଆରେ ରଗ କିନାସ୍; ବେସି ଜାର୍ ଜାର୍ ଜିବୁନ୍‌ତ କ୍ରିସ୍ଟୁ ଜିସୁତି କୁସ୍‌ନି ହାକିତ ସାଡ଼ୁ ବେବାର୍ କିନାରା । ୧୯ ନରକ୍ତ ହେଞ୍ଜାରିତି ଜିବୁନ୍‌ନି ନାସ୍ ଆଦେଂ ହାନାତା, ଇନେକିଦେଂକି ଗାଗାଡ଼୍ ଆହା ନେ ହେଞ୍ଜାରିତି ପେନ୍ । ଇନାକା ଲାଜୁ, ହେଞ୍ଜାର୍ ହେବେ ଗରବ୍ କିତାର୍; କେବଲ୍ ସଁସାର୍ ଜିନିସିଂ କାଜିଂ ହେଞ୍ଜାର୍ ଚିନ୍ତା କିତାର୍ । ୨୦ ହେଞ୍ଜାନ୍ ଇନେସ୍ ଆଏଡ଼୍, ଆପେଂ ସାଗେ ରାଜିନି ପାର୍ଜା, ସାଗେତାଂ ମା ମୁକ୍ତିକାରିୟା ମାପୁ ଜିସୁ କ୍ରିସ୍ଟୁ ଖାନାକା ଆପେଂ ଖାରିତାଂ କାନାପା । ୨୧ ଇମ୍ପଣି ସାକ୍ତି ବାପୁତାଂ ହେଞ୍ଜାନ୍ ଓଁଜୁ ବିସ୍ତେତିଂ ଜାର୍ ତାରେନ୍ କିଦେଙ୍ଗ୍ ଆଡ଼ନାନ୍, ହେ ସାକ୍ତି ବାପୁ ଚଡ଼ିତ ହେଞ୍ଜାନ୍ ମା ନାଦାର୍ ନା

✠ ୩:୧୨ ୩:୧୭ ୧ କରନ୍ତିୟ ୪:୧୭, ୧୧:୧.

ଗାଗାଡ଼ିଂ ତା ଜାଜ୍‌ମାଲ୍‌ନି ଗାଗାଡ଼ ଲାକେ କିନାନ୍ ।

୪

ଝେର୍‌ନାକା ଆରି ହିକ୍ୟା

^୧ ଲାଗିଂ, ଏ ନା ଝାରିନି ଟଣ୍ଡାର୍ ଆରି ତଣ୍‌ଦେକ୍, ମିଙ୍ଗେଙ୍ଗ୍ ହୁଡ଼ଦେଦେଂ କାଜିଂ ନାଦାଂ ବେସି ଇଚା । ମିଂ ଅଜି ଆନ୍ ବେସି ଝାରିନି ମୁକୁର୍ । ମି କାଜିଂ ନାଦାଂ ବେସି ଗରବ୍ । ଝାରିନି ଟଣ୍ଡାର୍ ଆରି ତଣ୍‌ଦେକ୍, ନା ହିକ୍ୟା ଇସାପ୍‌ରେ ମାପୁତି ତାକେ ତିର୍ ମାନ୍‌ଜି ଜିବନ୍ ଜିପ୍‌କା କିୟାଟ୍ ।

^୨ ମାପୁ ତାକେ ତଣ୍‌ଦେଲ୍ ଲାକେ ରଞ୍ଜି ମାନ୍ ଆଏକ୍, ଆନ୍ ଇୟଦିୟା ଆରି ସୁନ୍ତୁକୁ ରିଣ୍ଡେକାଂ ପା ଗଝାରି କିନାଙ୍ଗା । ^୩ ଆରେ ଏ ହାଡ଼ପାନି ହାଙ୍ଗଦାକାନ୍, ଇ କଗଲେକାଂ ଉପକାର୍ କିନି କାଜିଂ ମିଙ୍ଗେଙ୍ଗ୍ ପା ଗଝାରି କିଦ୍‌ନାଙ୍ଗା, ଇନେକିଦେଂକି ଇଝାର୍ କ୍ଲେମେନ୍‌ସ୍ ଆରି ନା ବିନ୍ ହାଙ୍ଗଦାକାର୍ ଲାହାଂ ନେକ୍‌କାବୁର୍ କାମାୟତ ନା ଲାହାଙ୍ଗ୍ କସ୍ କିନାରା; ହେ ହଙ୍ଗଦାକାର୍ ତର୍ “ଜିବୁନ୍ ପତିତ” ମାନାଡ଼ ।

^୪ ନିତ୍ରେ ମାପୁ ତାକେ ଝାରି କିୟାଟ୍, ଆରେ ଝେର୍‌ଚାନାଙ୍ଗା, ଝାରି କିୟାଟ୍ ।

^୫ ଝିଜାକାର୍ ଲାଗାଂ ମି ହୁଦାର୍ ହପାଟ୍ । ମାପୁତି ଝାନାକା ଲାଗାଂ । ^୬ ଇନାକା ବିସ୍ତେ ଚିନ୍ତା କିମାଟ୍, ମାତର୍ ଇନାକା ଲଡ଼ା, ପାର୍ତାନା ଆରି ଗଝାରି ହୁକେ ଜୁଝାର୍ ଲାହାଙ୍ଗ୍ ମି ଗଝାରି ସବୁ ଇସ୍‌ବର୍ ଲାଗାଂ ଝେଚାଟ୍ । ^୭ ହେବେ ମାନାୟାର୍‌ତି ବୁଜାନାକା କସ୍ ଜେ ଇସ୍‌ବର୍ ସୁସ୍ତା କ୍ରିସ୍ଟ ଜିସୁତି ମେହାଣ୍‌ତ ମି ଜିବୁନ୍ ଆରି ମାନ୍‌ଦିଂ ଜାଲ୍‌ଦି କିଜି ଇଡ଼୍‌ଦାନାଡ଼ । ^୮ ହାରିହାରା, ଏ ଟଣ୍ଡାର୍ ଇନା ଇନାକା ହାଡ଼ପା, ଇନା ଇନାକା ଲଡ଼ା, ଇନା ଇନାକା ଦସି, ଇନା ଇନାକା ହାଦାକା, ଇନା ଇନାକା ଝାରିନିକା, ଇନାକା ଡାକ୍‌ପୁଟାମେହା, ଇମ୍‌ଶାକା ପା ସଡ଼ଗୁଣ୍ଡା ଆରି ଝାରିକିୟକିନି ବିସ୍ତେ ମାନାଡ଼, ହେ ଝିଜୁ ବିସ୍ତେ ବିଚାର୍ କିୟାଟ୍ । ^୯ ଏପେଙ୍ଗ୍ ଜେ ଝିଜୁ ବିସ୍ତେ ନା ତାକେ ହିକାଆତାଦେଣ୍ଡା, ପାୟା ତାଦେଣ୍ଡା, ଝେଚାଦେଣ୍ଡା, ଆରି ନା ତାକେ ହୁଡ଼ତାଦେଣ୍ଡା, ହେ ସବୁ କାମାୟତ ପୁରା କିୟାଟ୍; ହେବେ ସୁସ୍ତାହିଦ୍‌ନାକାନ୍ ଇସ୍‌ବର୍ ମି ଲାହାଙ୍ଗ୍ ମାନାନ୍ ।

ଦାନ କାଜିଂ ଜଞ୍ଜାର

୧୦ ମାପୁତି ଲାହାଂ ମିହାଆଜି ଜିବୁନ୍ ଜିପକା କିନି ଝେଡ଼ାଲିଂ, ନା ଝାରି ଜେ, ଏପେଙ୍ଗ ଚିନ୍ତା କାଜିଂ ମାନୁଦିଆନ୍ କିତାଦେର୍ । ବେସି ଦିନ୍ ପାଚେ ଆରେ ରଗ ଚିନ୍ ଚତ୍ତାଦେର୍ଣ୍ଣା । ଆନ୍ ଇଞ୍ଜୁଙ୍ଗା ଜେ, ଏପେଙ୍ଗ ଝିସ୍ତ୍ରି ବିତ୍ତେ ନା କାଜିଂ ଆରେ ମାନୁଦିଆନ୍ ହିଞ୍ଜାଦାଂ ମାଚାଦେର୍ କେବଲ୍ ହେଦାଂ ହପ୍ପେଙ୍ଗ ପାବ୍ ପାୟାଞ୍ଜାଦାଂ ମାଚାଦେର୍ । ୧୧ ଆନ୍ ଜାତଂ ଏଲା ବାବି କିଜି ଇ କାତା ଇନ୍ନୁଙ୍ଗା, ଇନେକିଦେଂକି ନାଦାଂ ଇନାକା ମାନାଡ଼, ହେ ଏଚେକ୍ନେ ସାରି କିଦେଙ୍ଗ ଆନ୍ ହିକ୍ୟା କିତାଂନା । ୧୨ ଅବାବ୍ ଆୟେଡ଼, ଦନ୍ ବେସି ଆୟେଡ଼, ଇନେସ୍ ତା ମୁମ୍ବଦ ହାଞ୍ଜେଙ୍ଗ ଆନାଡ଼, ହେଦାଂ ଆନ୍ ପୁଚାଙ୍ଗନା । ଲାଗିଂ ଇମ୍ପାଣାକା ପା ଝେଡ଼ାଲିଂ, ନାସ୍କିତ ମାନି ଝେଡ଼ାଲିଂ ଇନେସ୍, ସାରି ଆତି ପାଚେ ପା ହେ ଲାକେ, ଅବାବ୍ ଆନି ଝେଡ଼ାଲିଂ, ଆରେ ବେସି ବିତ୍ତେ ପା ସବୁଝେଡ଼ାଙ୍ଗ ଆନ୍ ସାରି । ୧୩ ନା ସାଲ୍ଲି ହିଦକାନ୍ କ୍ରିସ୍ତୁତି ଉପକାରତାଂ ଆନ୍ ସବୁ କିଦେଙ୍ଗ ଆଡ଼ନାଙ୍ଗ ।

୧୪ ଆତିସ୍ପା ଏପେଙ୍ଗ ନା ଦୁକ୍ବଗ୍ ଝେଡ଼ାଲିଂ ନାଞ୍ଜେଙ୍ଗ ମେହାଆନି କାଜିଂ ହାର କିତାଦେର୍ଣ୍ଣା । ୧୫ ଏ ପିଲିପିନି ଟଣ୍ଡାର ଆରି ତଣ୍ଡଦେକ୍, ମିଞ୍ଜେଙ୍ଗ ହାରକିଜି ମାନୁତ ମାନାଡ଼, ନେକ୍ରିକାରୁର୍ ସୁଣାୟକିନି ହାଙ୍ଗତି ସମୁତ, ଏଚେକାଡ଼ଦ୍ ଆନ୍ ମାକିଦନିଆତାଂ ହାଚାଙ୍ଗ, ହେ ଝେଡ଼ାଲିଂ ମି ମଣ୍ଡୁଲି ନାଂ ଉପକାର କିଜି ମାଞ୍ଜାଡ଼, କେବଲ୍ ଏପେଙ୍ଗ ନା ଲାବ୍ ଆରି ଲାସ୍ ମେହା ଆଜି ମାଚାଦେର୍ । ୧୬ ଆନ୍ ତେସ୍ଲନିକିତ ମାନିହିଂ ଏପେଙ୍ଗ ବେସିହର୍ ନା ଲାଗାଂ ଲଡ଼ାନି ଉପକାର ପକ୍ତି ମାଞ୍ଜାଦେର୍ । ୧୭ ମାତର୍ ମିତାଂ କେବଲ୍ ଦାନ୍ ଅନି କାଜିଂ ଆନ୍ ଇଚା କିଡ଼ଙ୍ଗ, ଇଦାଂ କାଜିଂ ଏପେଙ୍ଗ ଇନେସ୍ ଆଦିକ୍ତାଂ ଆଦିକ୍ ଲାବ୍ ଆଡ଼, ଇଦାଂ ନା ଇଚା । ୧୮ ମିତାଂ ଆନ୍ ଗାଟା ଆଜି ମାନି ଝିଜୁ ଦାନ୍ କାଜିଂ ପାୟାତାକା ମାନିକିଜି ଜାଣାୟକିଦ୍ନାଙ୍ଗା । ହେଦାଂ ନା କାଜିଂ ସାରିତାଂ ଆଦିକ୍ ଅତାନ୍ନା । ଏପାପ୍ରାଦିଡ଼ତି କେଇଦ ଏପ୍ ପକ୍ତି ମାଚି ଦାନ୍ ନାଦାଂ ସବୁ ଅବାବ୍ ପୁରାୟ କିତାଂନା । ହେଦାଂ ଇସ୍ପୁର୍ତି କାଜିଂ ପୁଜାକିତି ହାଦ ଗାନ୍ଦା ଗାର୍ଣି ଆରି ତାଦି ଇଟ୍ୟାତାକା ଇଚିସ୍ ସାରିନି ପୁଜାଲାକେ । ୧୯ କ୍ରିସ୍ତୁ ଜିସ୍ତୁତି ହୁକେ ନା ଇସ୍ପୁର୍ ହେଞ୍ଜାନ୍ତି ବେସି ହଲ୍ନାକାତ ମିଦାଂ ଝିଜୁ ଲଡ଼ାନିକା ତାସି

କିଦନାନ୍ । ^{୨୦} ଜୁଗ୍ ଜୁଗ୍ ଆବା ଇସ୍‌ସର୍‌ତି ଜାଜ୍‌ମାଲ୍ ଆଏଡ୍ । ଆମେନ୍
 ।

ହାରିହାରା କାତା

^{୨୧} କ୍ରିଷ୍ଟ୍ ଜିସୁ ତରଦାଂ ସବୁ ସାଦୁରିଂ ଜଖାର୍ ଜାଣାୟ୍ କିୟାଟ୍ । ନା
 ହାଙ୍କାଦି ଚଣ୍ଡାର୍ ମିଲୋଙ୍କ୍ ଜଖାର୍ ଜାଣାୟ୍ କିଦନାରା । ^{୨୨} ଇବେ
 ମାନି ଇସ୍‌ସର୍‌ତି ପୁଇପୁୟା ମାନାୟାର୍, ଓଜାର୍ ବିସ୍ତେ କାଇସର୍ ଇଞ୍ଜି
 ମାନାର୍, ସାଦୁର୍ ମିଲୋଙ୍କ୍ ଜଖାର୍ କିଦ୍ନାରା ।

^{୨୩} ମାପୁ ଜିସୁ କ୍ରିଷ୍ଟ୍ ଉପକାର୍ ମି ଜିବୁନ୍ ଓଜାର୍ ଲାହାଙ୍କ୍ ଆଏଡ୍
 ।

ସତ୍ ବଚନ୍
The New Testament in the Pengu language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ, 2020

The New Testament in Pengu Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43